



partii naleraq

UKA 2016/024-01

27-09-2016

Akilaraaruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaannut nr. xx, xx. xx 2016-imeersumut siunnersuut. (Nammineerluni nalunaarsuinissamut piffissarititaasumik, kiisalu nunani allani akileraartarnermi oqartussaasunut paasissutissanik tunniussisarnerit pillugit ilisimatitsisussaataaneq, taamatullu aningaaserivimmi kontumik tunniussisussaataaneq aammalu soraarnerussutisianut tunngasunik paasissutissanik nalunaarsuineq pillugit allannguineq)

(Aningaasaqarnermut Aatsitassanullu Naalakkersuisoq)

Akilaraaruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaannut nr. xx, xx. xx 2016-imeersumut siunnersuut Partii Naleqqamiit imannak oqaaseqarfigissuarput:

Allannguutissatut siunnersuutit pissutsit allanngornerannik aammalu teknikkikkut ineriartornerup kingunerisaanik pisariaqalersimasut takuneqarsinnaapput.

Isumaqaarnassangaluarpoq check-it qangarsuarli atorunnaarneqarsimasut, kisianni suliassami uani paasissutissiissutigineqartut naapertorlugit 2014-imi akilaraarutitut akilivallaarutitut utertitsinermi inuuttaasut ilaannut akileraartarnermut pisortaqaarfimmut bankkontomik paasissutissiisimangitsunut check-it atorlugit akiliivallaarutitut utertinneqarsimasut ilisimatitsisutigineqarpoq.

Aamma uuma suliap saqqummiunneqarnerani ilaatigut paasissutissiissutigineqarpoq danskit aningaaseriviisa check-it pillugit suleqatigiinneri 2016-ip naaneraniit unitsinneqassasoq.

Naluneqanngitsutullu uagut kalaallit namminerisatsinnik aningaaseriveqannginnerput ilaatigut pissutigalugu, danskit aningaaseriveqarnikkut isumaqatigiissutaat allatut ajornartumik maliinnartariaqaripput oqaatigiinnartariaqarpoq.

Taamaammat namminerisatsinnik bank-eqalernissat pimoorullugu sulissutigisariaqaripput kaammattuutingaarput, tassami Naalagaaffinngorniarluta sulivugut.

Nammineerluni akilaraarutitut nalunaarsuiffik naliginnaasumik kingusinnerpaamik 1. maj akileraartarnermut pisortaqaarfimmut imaluunniit taassuma ataani immikkoortortaqaarfimmut tunniutereerneqarsimasussaavoq.

Nutaatullu siunnersuutigineqarput elektroniskiusumik nammineerluni nalunaarsuiffimmik nalunaarutiginnittut, akileraaruseriffiup ilitersuinera malillugu 15. Maj inuussutissarsiummik ingerlataqartut tunniussisinnaassasut.

Kiisalu Peqatigiiffiit il.il. elektroniskiusumik aamma akileraaruseriffiup ilitersuinera malillugu kingusinnerpaamik 15. juni tunniussereersimassasut siunnersuutigineqarluni.

Naggataatigullu siunnersuutigineqarpoq akileraartarnermut siunnersuisoqatigiinnik toqqaasarnermut atatillugu KANUKOKA kisimiilluni aallartitaarulluni, kisiannili kommuniniit ataatsimut tamarmik ataatsimik aallartitaqassasut siunnersuutigineqarpoq, tamatut siunnersuuteqarneq kommuneqarfik Sermersuup KANUKOKA-miit aninerata kingunerivaa.

Akileraaruserinermik ingerlatsineq pillugu inatsimmut allannguutissatut siunnersuutit tusaatissatut tigullugit Aningaasaqarnermut Akileraartarnermullu ataatsimiititaliami suliap aappassaanneerpeqannginnerani suliarineqarnissaa inatsuutingaarput.